

Immitte crucibulo triangulari; cui superim-
pone aliud simile crucibulum inverſum, ita ut
anguli utriusque alternentur. Stent inter me-
dios carbones, ut Zincum in fluorem deduca-
tur. Sic Zincum in flammam exardeſcet, &
ſublimabuntur flores albi, qui ſucceſſive utrum-
que crucibulum implebunt. Dum propter
flores nimios ſuperficiæ ſuæ inhærentes Zin-
cum inflammari ceſſat, rutabulo ferreo flo-
res amoveantur, ut de novo exardeat, quod
repetendum, donec omne Zincum in flores ſit
converſum. Interea flores de utroque cru-
cibulo pro rei neceſſitate ſæpius tollantur.

Hi flores ſi fatiſ albi non ſunt, per parvas
portiones injiciantur ſucceſſive in aliud cruci-
bulum candens, & calcinentur, ut caſu adhæ-
rens adhuc phlogiſton abigatur, quo albefeant
debite.

GLOBULI CARMINATIVI.

vide

SUPPOSITORIA.

GLOBULI AD ERYSIPELAS

vulgo

MONIALIUM SANCTÆ ELISABETHÆ.

℞. Pulveris Aluminis crudi unc. iij.

Sa-

Salis ammoniaci unc. iß.

Solvantur in

Aquæ communis libr. iß.

Cum hac solutione lævigentur super porphyrite.

Cretæ albæ purissimæ libr. iiiß.

Cerussæ libr. ij.

ultimo admiscendo

Camphoræ ope spiritus vini in pulverem redactæ unc. j.

Ut omnium fiat massa, ex qua formentur globuli ponderis uncia dimidiæ in umbra exsiccandi, ac servandi.

HEPAR ANTIMONII.

℞. Antimonii crudi.

Nitri ana libr. j.

Seorsim in pulverem trita mixtaque accurate in crucibulo candenti detonent, injiciendo per vices. Et fervetur massa.

Hæc cum aquæ sufficienti quantitate debite abluta, & exsiccata dicitur

CROCUS METALLORUM.